

善本書室藏書志



善本書室藏書志卷三

錢塘丁丙松生甫輯

經部五

監本纂圖春秋經傳集解三十卷

宋刊本

杜氏

是書前序後題唐國子博士兼太子中允贈齊州刺史吳縣開國男陸德明釋文附一條首行集解下題某公第幾次行夾注德明音義再次行低五格題杜氏中空五格盡幾年每半葉十行行二十字夾注小字行二十四字中有重言重意似句互注諸例俱加方圍每版左綫外標某公幾年凡句之同者爲重言意之同者爲重意句之似者爲似句及見於他經者爲互注末有預後序蓋宋人帖括之書也遇相讓慎貞匡僅數多闕筆內配襄四第十七題監本重言重意春秋經傳集解行數字數與

第十七同是當時不止一刻也 天祿琳瑯載此目并載監本
纂圖重言重意互注點校毛詩又纂圖互注周禮稱其字畫流
美紙墨亦佳信爲錄本之精者此本亦猶是耳惟昭公二十年
衛侯賜北宮喜析朱鉏諡注云皆死而賜諡及墓田傳終言之
仍與岳氏相臺雕本同誤衍未字而字耳

春秋經傳集解三十卷

明覆相臺岳氏刻本

施氏杏雨樓藏本

杜氏

海昌陳鱣仲魚經籍跋文有是書云首題春秋經傳集解隱公
第一次低四格杜氏注越三格盡十一年次傳文起每葉十六
行行十七字注雙行附釋音每葉末上刻篇識經傳俱加句讀
前後序俱全惟無亞形相臺岳氏刻梓荆溪家塾印耳明時繙
刻有三嘗與杜林合注校之方知合注本之誤隱元年傳非君
命作公命二年傳費庠父作庠父三年傳白祿是荷作是何四

年經庚戌衛州吁弑其君完作戊申公及宋人遇于清作宋公
七年傳告終嗣也終下有稱字九年天子使南季來聘作天王
十一年傳遂與鄭氏歸而立其主作尹氏桓二年傳以照臨百
官作臨照五年傳况敢凌天子乎作敢陵六年齊使乞師于鄭
齊下有侯字十年傳乃獻又求其寶劍獻下有之字十一年經
公會宋公于夫鍾作夫鍾十七年傳疆場之事作疆場後仿此
莊六年傳必度於本末作度其八年經殺其君諸兒作弑其傳
劫而束之作劫而十八年傳遷權於那處作那處二十一年傳
王巡守號作號守二十二年傳使爲工政作工正鳳凰于飛作
鳳皇二十三年傳王有巡狩作巡守閔二年傳及狄人戰于榮
澤作榮澤僖元年經獲莒挐作莒挐傳君子以齊人殺哀姜也
人下有之字九年經晉侯詭諸卒作詭諸十八年傳而從師于
營婁作而後二十三年傳懷其安實敗名作與安二十四年傳

屏括樓嬰作樓嬰二十五年傳晉于是始起南陽作始啟乃降
秦師四申公子儀重秦師二字二十八年傳命晉侯伯作侯宥
及其元孫作及而三十年傳焉用亡鄭以倍鄴作陪鄴文五年
傳楚子變滅蓼楚下有公字六年傳辟刑獄作獄則謂之得禮
作德禮十一年經會卻缺于承筐作承匡十四年傳廬戢黎作
戢梨下同十五年經齊人侵我西鄙齊上有秋字傳蔡侯鄭伯
許男曹伯盟于扈蔡侯下有陳侯二字十六年傳楚子乘驛作
乘駟鱗鱗作鱗曜賜左右以使行作而使十七年傳而從於驪
令作彊令宣四年傳汰斬作汰斬楚人爲乳穀作謂乳下爲虎
同九年傳厚賂之作厚賄之十一年傳反之可乎曰可哉曰上
有對字十二年傳屈蕩尸之作尸之又何以爲京觀乎作可以
成二年傳士燮將上軍作佐上眾之不可已也可下有以字九
年傳謂修好結成作請修十三年虔劉我邊陲作邊垂而我之

昏姻也無之字十五年傳會吳鍾離吳下有子字襄九年傳公
族穆子有廢疾作癢疾十年傳伐我西部作侵我十三年傳獲
保育領以歿於地作以沒十四年傳吾今實過作吾令夫君神
之主也民之望也上也字作而十年傳聊叔紇作鄒叔妨于農
功作農收十九年傳穆叔曰叔下有歸字二十一年傳欒盈出
奔楚欒上有秋字二十二年傳鄭游販作游販二十三年傳非
鼠何如作如何二十四年傳欒只君子作欒旨後只同二十五
年傳賦兵車徒卒作徒兵二十七年經冬十有二月乙卯朔作
乙亥傳晉荀寅遂如楚泄盟作荀盈二十八年傳武王有亂臣
十人無臣字二十九年傳展玉父作王父三十一年傳年均擇
賢作年鈞下句同昭元年傳趙孟曰天平作天平三年傳豆區
釜鍾作釜鐘四年傳咸尹宜咎作箴尹五年傳自王以下作已
下明之未融作明而九年傳饒宰屠蒯趙入作膳宰十年傳邾

人辭人下有滕人二字十三年傳饑者食之作飢者十九年傳
耶陽封人之女作耶陽二十五年傳吾聞文武之世作文成戮
力壹心作勦力二十八年傳僚安楊氏大夫作陳氏三十年經
徐子章羽奔楚作章禹定元年傳凡從公出作君出四年傳子
泓漢而與之上下作沿漢五年傳民之攸墜作攸暨八年傳獲
叔子與析朱組作朱組十五年傳事死如事生無下事字十六
年傳日月以幾作日日十七年傳言過於其志作吉過二十三
年傳非敢耀武也作耀武二十六年傳獻公孫於衛齊無衛字
大都與唐石經合其注之勝于今本者尙多茲不具述此本惟
百祿是荷不作何餘悉如陳仲魚所勘本當明翻三刻之一也
有古瀛洲施氏杏雨樓藏書印

春秋經傳集解三十卷

東瀛翻宋本

杜氏注

首題春秋經傳集解某公第幾次行題杜氏注起三格題盡某年前有杜預序經傳字有與今通行本異者與唐石經相摹本合是書真宋監刊不附音義卷末載經若干字注若干字後序末載凡三十四萬五千八百四十四字春秋宋版不止一刻此爲倭刊影宋每半葉九行行十七字注文雙行惟無預後序及經注字數耳

附釋音春秋左傳注疏六十卷

宋刊十行本

李麀山藏書

國子祭酒上護軍曲阜縣開國子臣孔穎達等奉敕撰國子博士兼太子中允贈齊州刺史吳縣開國男臣陸德明釋文

前有穎達正義序每半葉十行行十七字注疏每格雙行行二十三字傳與經皆平格經文每年下皆接書但冠以圖不提行注與釋文不混如桓三年傳齊侯送姜氏下云齊侯送姜氏本或作送姜氏于驪公子則下卿送公子公女但作小字以圖隔

之與宋本同蓋作釋文不作注也汲古本則作注矣襄十一年傳無所不諧注九合諸侯下云云亦釋文加圈以別之汲古本則直作注矣故阮氏謂六十卷本爲注疏中之最善者且無一補修之葉有松陵京兆國書東海瀛人河間李二曾在李鹿山處諸印按鹿山名懷泉州人康熙甲子舉人歷官浙江巡撫藏書多善本見王應奎柳南隨筆

春秋左傳注疏六十卷

明開刊本

葉氏得一居藏書

晉杜氏注唐孔穎達疏陸德明釋文

首有春秋正義序題國子祭酒上護軍曲阜縣開國子孔穎達奉敕撰卷三十尙存剞版未盡之明御史李元陽提學僉事江以達刊校一條版心下有刻工姓名按宋清化庚寅所刊春秋左傳正義官本慶元庚申吳興沈中寶重刊有序爲三十六卷自附釋音本作六十卷此本卽依其分卷而後之監本毛本更

依此本之卷數耳有得一居珍藏印每半葉九行每行廿一字

春秋公羊傳二十卷

明刊本

此書前無序言版匡狹窄半葉十行行十八字棉紙初印文多與石經相合後有朱字記庚寅四月十日點完一行當爲明人手題豈爲萬歷十八年耶

監本附音春秋公羊注疏二十八卷

宋刻十行本

唐仁壽藏書

何休學

卷首有景德二年六月中書門下牒文及工部侍郎參知政事馮兵部侍郎參知政事王兵部侍郎平章事寇吏部侍郎平章事畢四衛次漢司空掾任城樊何休序每卷某公俱與大題相連每葉二十行行十七字小字行二十三字間有元明補刻之葉岳倦翁云舊新監本不附釋音此監本亦附音當出岳氏所見刊本之後而東瀛經籍訪古錄載有是書作元槧本謂元大

德四年刻十三經之一明正德補刊所謂十行本者天水耶蒙
古耶當再攷之有鷗寄室王氏收藏王錫瑗海昌唐仁壽諸印
仁壽字端甫號鏡香海甯人諸生讀書好古遊錢警石之門購
求宋元善本參校同異著有諷字室詩稿

春秋公羊注疏二十八卷

關刊校宋本 楊芸士藏書

漢何休學

前有景德二年六月中書門下牒文及馮王寇畢四銜次漢司
空掾任城樊何休序大理太和季中溪按閩時所刻十三經之
一每卷首葉第三行並署云明御史李元陽提學僉事江以達
校刊初印本各經皆有校刊一行此本惟序首猶存每卷則已
削去或補一木條欲刻疏人而未刻乃修版者爲之非翻本也
江叔潛聲以宋本校刊通用朱筆圈點眉間錄柄松崖師校語
如隱二年之怨結禍構監本脫一構字隱三年之貶去名言氏

者監本言字誤者均補收轉較阮氏校勘記爲勝矣有江聲叔
澐氏江沅文通後人海甯楊芸士藏書之印諸圖章聲字叔澐
一字鯨濤號良庭元和人嘉慶元年舉孝廉方正子沅字子蘭
號鐵君優貢生工填詞芸士名文蓀字秀實海甯貢生邃經學
有述鄭齋集

春秋穀梁傳十二卷

明刊本

一公一卷經文多與石經合與公羊傳同一版刻前亦無序

春秋穀梁注疏二十卷

明閩刊本

葉氏得一居藏書

晉范甯集解唐楊士勛疏

此爲明李御史元陽刊前有范甯序案 天祿琳瑯宋版穀梁

注疏載與明監本不同者如桓二年臣既死君不忍稱其名明

監本脫此句此不脫莊二十五年鼓用牲於社明監本脫此句

此不脫僖十年吾若此而入自明明監本脫吾字此不脫二十

二年旌亂於上明監本脫亂字此不脫二十有三年茲父之不
葬明監本脫茲父之三字此不脫成十有六年猶存公也明監
本存謫在此不謫哀元年故卜免牛也明監本牛謫卜此不謫
六年可以言弗受也明監本可謫何此不謫畧舉數條均與宋
合可以知其善矣有得一居珍藏印

監本附音春秋穀梁注疏二十卷

宋刻十行本 唐仁壽藏書

范甯集解楊士勛疏

前范甯序下題國子四門助教楊士勛撰國子博士兼太子中
允贈齊州刺史吳縣開國男陸德明釋文序文標題下多一傳
字每卷某公與大題相連每半葉十行行十七字注疏俱雙行
行二十三字經傳不別如元年春王正月卽接傳文不標傳字
與石經台傳下集解亦不標注字惟疏文則冠一大疏字於上
有元明補刻之葉有國寄室王氏收藏海昌唐仁壽兩印

春秋啖趙二先生集傳纂例十卷

鈔校本

唐陸涓纂

前有清序云啖子所撰統例三卷皆分別條流通會其義趙子損益多所發揮今故纂而合之有辭義難解者亦隨加注釋兼備載經文於本條之內使學者以類求義昭然易知其三傳義例可取可舍啖趙具已分析亦隨條編附以祛疑滯云云啖名助趙名匡涓之一師一友也書之大旨陰主公穀故稱左氏序事雖多釋經殊寡倍擊三傳肇於此書有元吳棫序此從龔蘅圃刊本影寫妙道人以明嘉靖翻宋慶厯本校正

春秋名號歸一圖二卷

汪松泉手鈔本

是書爲蜀馮繼先撰宋岳珂因刻本多譌錯嘗合京杭建蜀本參校刊定移易刻於相臺杜解之前清熙中阮氏種德堂有十行小字刊本附集解前通志堂亦有刊本此爲康熙己亥夏六

月望汪由敦手鈔者後識云初肄業三傳苦其氏名字諡官爵
國地錯舉互見或一簡之中或數十年之後習其讀而廢失之
者屢矣欲條舉異呼冀爲一帙以備遺忘而多故未暇適讀納
蘭成氏所刻經解得馮繼先春秋名號歸一圖與余意頗合但
間有外漏耳因錄置巾笥以爲他日起本由敦字松泉休甯人
入錢唐籍雍正甲辰翰林官協辦大學士贈太子太師諡文端
書法精妙想見木天清暇濡毫染翰時也

春秋尊王發微十二卷

盧抱經寫本 沈肖巖藏書

孫復撰

復字明復平陽人宋史有傳嘗以春秋教授生徒於泰山之下
棄置三傳自立褒貶故常秩有猶商鞅棄灰於道之譏也此盧
學士乾隆四十二年得舊本所鈔第一卷尾手記云此書有刻
本因李生貧而備書適無可鈔之書故以此綴之末有題跋云

孫氏此書昔人謂其論多苛刻而在當時則甚重之歐陽氏謂其得春秋本義爲多要之言亦以人重也有武林盧文弨寫本抱經堂藏兩印中如莊七年恒星不見解云常星星之常見者也宣十一年楚人殺夏正舒下同諸皆避諱尙存宋本面目東山外史肖巖沈聞崑得其書手錄提要於前鈐有名印聞崑字肖巖晚號東山外史歸安貢生官上虞縣學訓導性喜藏書得異本必手自校正跋而藏之所積舊刻舊鈔萃其精者數千卷丹黃燦然至今得者寶之

春秋權衡十七卷

清鈔本 朱竹垞藏書

宋劉敞撰敞字原父臨江新喻人慶厯中進士官至集賢學士宋史有傳是書平三家得失更集眾說斷以己意而爲之傳自序謂權衡始出未有能讀者又謂非達學通人則亦不能觀之其自命甚高王氏居易錄云康熙乙巳歸自揚州一日至青州

與張杞園觀書市中此春秋權衡乃衡府高唐王號岱翁物也
此朱檢討從而借鈔有甲寅十月彝尊隸書序墨迹鈐以秀水
朱彝尊錫鬯氏文恪曾孫竹垞藏本諸印

春秋會義四十卷

鈔本

宋鄉貢進士江陽杜諤撰

前有嘉祐壬寅夏六月任貫序諤自序云作傳之學有五所行
惟三家焉胡毋生董仲舒出而公羊興申公蔡千秋盛而穀梁
起業左氏者又有賈護劉歆之屬故得並立學官好尚殊嚮紛
紜異論如杜元凱拘於赴告何休涉以讖緯范甯博採諸說然
未盡詳自後專門少廢矛盾者多唐之啖趙陸淳尤精焉本朝
亦僅十數家今以經之逐條附以三傳復繫以彖義總集其要
離爲二十六卷名曰春秋會義迨元祐丁卯秋諤重序大致與
前畧同惟云曩嘗編集而會聚之論斷有所未暢義例有所未